

後漢書疏證

後漢書疏證卷二十五

吳 沈欽韓撰

隴西郡

晉志惟襄武首陽臨洮狄道四縣

惠帝分隴西之狄道臨洮河關又立洮陽

武街遂平始興第五真仇六縣合九縣置狄道郡張駿

又以狄道縣立武始郡地形志晉分隴西置武始郡隋志云後魏

狄道

舊唐志臨州狄道縣漢縣

襄字記晉惠帝以狄道無所別據按臨州唐未廢狄道還

屬蘭州九域志熙寧五年復置熙州縣屬

水經注洮水又北逕狄道故城西

關駟曰今日武始按符登爲狄道長則狄道未嘗改名

又北隴水注之水出鳥鼠

山西北高城嶺西逕墉坻其山岸崩落者聲聞數百里

楊雄稱響若坻隕是也又西北厯白石山下

隋志狄道縣有白石

山又西北逕武街城南昔馬援爲隴西太守六年爲狄

道開渠引水種秔稻而郡中樂業卽此水也蜀志姜維

傳出隴西守狄道狄道長李簡舉城降十八年復與車

騎將軍夏侯霸等俱出狄道大破魏雍州刺史王經于

洮西經眾死者數萬人經退保狄道城維圍之

陳泰傳維等將

數萬人至枹罕趣狄道秦軋經進屯狄道須軍到乃規

取之秦進軍陳倉經輒渡洮秦以經不堅拒狄道必有

他變並遣五營在前秦率諸軍繼之經已與維戰大敗

維乘勝圍狄道秦晨夜進前鄧艾胡奮王秘亦到進至

隴艾等以爲王經情卒破虜賊眾大盛不如割險自保

然後進救秦曰姜維提輕兵深入正欲與我爭一戰之

利上經當深壘高壁挫其銳氣今乃與賊使賊得計若
維以戰克之威進兵東向據棧陽積穀放兵收降招納
羌胡東爭關隴傳檄四郡此我之所惡也而維以乘勝
之兵挫峻城之下攻守勢殊糧穀不繼是我速進破賊
之時也寇不可縱圍不可久君等何言如是遂進軍度
高城嶺潛行夜至狄道東至高山上多舉烽火鳴鼓角
狄道城中將士見救至皆憤踊維始謂官救兵當
須眾積卒聞已至乃緣山突至秦與交戰維退還晉書
石虎記王擢剋武街執張重華護軍曹權胡宣張駿傳
韓璞攻討秦州諸郡劉曜遣劉胤來距屯于狄道城

安固

寰宇記安故城在蘭州五泉縣西南

按晉志張茂分武興金城西平安故

爲定州通鑑建武元年張寶擊漢命安故太守賈壽等爲前驅是安故爲郡也州郡志有安固郡不注置立

水經注洮水東北逕桑城東又北會藍川水

地形志洪和郡有藍

川洮水又北逕外羌城西又北逕和博城東城在山內

左合和博川水洮水北逕安故縣故城西十三州志曰

縣在郡南四十七里魏志郭淮傳八年諸羌餓何燒戈

伐同蛾遮塞等相結叛亂南招蜀兵涼州名胡洽無戴

復叛應之討蜀護軍夏侯霸督諸軍屯為翅淮軍始到

狄道議者僉謂宜先討定抱罕淮策維必來攻霸遂入

瀨中按水經注洮水東北逕索西城又屈而北逕龍桑

城又西北逕步和亭北出門峽葦川水出桑嵐西

溪東流歷桑嵐川又東逕葦川北東入洮水地形志有

葦川縣屬洪和郡意郭淮傳之瀨中即嵐川而為翅城

又在其南然無所轉南迎霸維果攻為翅淮軍適至維

證姑附識于此遁退嘉平元年與雍州刺史陳泰協策降蜀牙門將句

安等于翅上

陳泰傳姜維率眾依麴山築二城使牙門將句安李欽守之聚羗胡憤任憲福諸郡

征西將軍郭淮與泰謀之泰曰麴城雖固去蜀險遠當須運糧羗夷患維勢勞役未必肯附今圍而取之不可血刃以拔其城雖其有救山道險阻非行兵之地也淮從泰計使率討屬護軍徐質南安太守鄧艾等進兵圍之斷其運道及城外流水安等挑戰不許將士困窘分糧聚會以稽日月維果來救淮起牛頭絕其歸路維懼遁走安等孤懸遂降

晉書劉曜記黃石屠谷路松多起兵于新平

扶風附于南陽王保保以其將楊曼王連據陳倉張顛

周庸據陰密松多下草壁秦隴氏羗多歸之曜發雍攻

陳倉草壁皆陷之進陷安定保懼遷于桑城

保傳陳安稱藩于劉

曜保將張春復奉保奔于桑城

陳安叛曜自稱涼王休屠王石武以桑

城降曜大悅

氏道

按其地當在唐秦州上邽縣西通典蟠冢山西漢水所
出今經嘉陵曰嘉陵江經閩中曰閩中江元和志蟠冢
山在上邽縣西南五十八里水經注西漢水西流與馬
池水合水出上邽西南六十餘里開山圖曰隴西神馬
山有淵池龍馬所生卽是水也通鑑義熙十三年西秦
王熾盤使秦州刺史王松壽鎮馬頭以逼秦之上邽

首陽

通典渭州渭源縣漢首陽縣元和志烏鼠山今名青雀山在渭源縣西七十六里
舊唐志後魏分隴西置魏渭源郡又改首陽縣爲渭源縣水經注渭水出首陽山渭

首亭南谷縣有高城嶺嶺上有城號渭源城渭水出焉
東北流逕首陽縣西與別源合

高城嶺卽陳秦所度救狄道處

大夏

通典河州大夏縣漢舊縣

元和志張駿置大夏郡按晉志張駿以興晉金城武始南

武永晉大夏武成漢中爲河水經注洮水右合二水左

州地形志大夏縣有金柳城舍大夏川水出西山逕金紐城南城去縣四十里本

都尉治又東北逕大夏縣故城南東北出山注于洮水

晉書劉曜記張駿遣金城太守張閫及抱罕護軍辛晏

將軍韓璞等率眾數萬自大夏攻掠秦州諸郡曜遣劉

亂率步騎四萬擊之夾洮相持七十餘日冠軍呼延那

鷄率親御二干騎絕其運路亂濟師逼之瑛軍大潰

奔還涼州

張駿傳咸初韓瑛進度沃干嶺辛歲曰我

以久久則變生瑛曰自夏末以來太白犯月辰星逆行

白虹貫日皆變

之大者不可以輕動動而不捷爲禍更

深且隆與石勒

相攻亂亦不能久也積七十日軍糧竭

遣辛嚴督運下

金城亂聞之大悅謂其將士曰韓瑛之

眾十倍于吾羌

胡皆叛不爲之用吾糧廩將懸難以持

久今虜分兵運

糧可謂天授吾也若敗辛嚴瑛等自潰

彼眾我寡宜以

死戰眾咸奮于是率騎三千襲嚴于沃

干嶺敗之瑛軍

潰者二萬餘人胡三省曰沃干嶺在大

夏縣東南按陳

泰傳涼州軍張重華傳麻秋進陷大夏

從金城南至沃

干改阪亦此

護軍梁式執太守宋晏以城應秋秋遣晏以書誘宛成

都尉宋矩矩自刎而死謝艾大敗麻秋斬秋將杜勳汲

漁俘斬一萬三千餘秋匹馬奔大夏

襄武

通典涇州襄武縣漢舊縣

志作五難誤襄字記五谿聚及楊盛分羌爲部以五谿每

谿爲一聚于是有五谿之名今按盛分部在彪志之後不緣楊盛得名可知

水經注渭水東

南逕襄武縣東北荆頭川水入焉水出烏鼠山荆谷漢

護羌校尉溫序行部爲隗囂將苟宇所拘銜鬚自割處

又東泉水注之蜀志姜維傳進圍襄武與魏將徐質交

鋒斬首破敵魏軍敗退晉書乞伏國仁記率騎三萬襲

鮮卑大人密貴裕苟提倫等三部于六泉

元和志六泉山在縣東北

原上泉

又魏書乾歸傳田于五谿農集其手尋爲兄子

公府所殺

水經注馬防以建初二年從安故五谿出龍泉又蓋延傳擊狄道安故五谿反羌大破之

如麟注所稱則五竊皆係安故又按西羌傳安帝永初四年徙金城郡居襄武五年移隴西徙襄武避寇難也
臨洮

舊唐志岷州溢樂縣秦臨洮縣今州西二十里長城蒙

恬所築後魏置岷州仍改臨洮爲溢樂隋復改臨洮

臨洮西魏義寧二年改又洮州臨潭縣秦漢時羌地吐

置曰溢樂義寧二年改又洮州臨潭縣秦漢時羌地吐

之爲美相縣貞觀四年洮州理于水經注沙州記曰洮

此置臨潭縣天寶中廢美相併入水經注沙州記曰洮

水與墊江水俱出羴臺山山南卽墊江源山東則洮水

源北史吐谷渾傳阿豺昇西羴山觀墊江源問于羣寮

曾和曰此水經仇池過晉壽出宕渠始號墊江至巴郡

入江度廣陵入于海阿豺曰水尙知歸吾雖塞表小國

而獨無所歸乎遣洮水東北流逕吐谷渾中又東北流

使通宋獻方物

逕洮陽曾城北建初二年羌攻南部都尉于臨洮上遣

行車騎將軍馬防與長水校尉耿恭救之諸羌退聚洮

陽卽此城洮水又東逕洪和山南

舊唐志貞觀五年移洮州治洪和城後復

移還洮陽城隋志後周置洪和郡常夷縣

城在四山中又東逕迷和城北羌

名也

按西羌傳作迷吾

洮水又東逕臨洮縣故城北屈逕索西

城西

通典索西故城在岷州和政縣東

建初二年馬防耿恭從五溪祥

蓋谷出索西與羌戰破之築索西城俗名赤水城亦曰

臨洮東城

地形志臨洮郡有赤水縣按西洮後周所置洮州也東洮西魏所置岷州

沙州記

曰從東洮至西洮百二十里魏志郭淮傳正始元年蜀

將姜維出隴西淮遂進軍追至彊中九年姜維出石營

從強川西迎治無戴淮遺夏侯霸等追維于沓中姜維

傳維率眾出漢侯和

符堅載記王猛拔李儼于枹罕使王撫守侯和姜衡等守白石當在

枹罕

為鄧艾所破還住沓中

華陽國志維惡黃皓擅恣啓後主欲殺之後主勅皓

詣維陳謝維說皓求沓中種麥以避內逼沓中蓋在臨洮之西南

鄧艾傳嘉平元年與

征西將軍郭淮拒蜀姜維維退淮因西擊羌留艾屯白

水北三日維遣廖化自白水南向艾結營艾謂諸將曰

維今卒還吾軍人少法當來渡而不作橋此維使化持

吾令不得還維必自東襲取洮城在水北去艾屯六十

里艾即夜潛軍徑到維果來渡而艾先取據城得以不

敗

水經注白水出臨洮縣西南西傾山東南流與黑水合又東南逕鄧至城南北史鄧至者白水羌也因地

名號自稱鄧至或因
鄧艾所至而名嶽 晉書呂光載記張大豫自西郡詣

臨洮驅畧五千餘戶保據俱城光將彭晃徐晃攻破之

大豫奔廣武乞伏記熾磐攻澠川師次沓中沮渠蒙遜

率眾攻石泉以救之

水經注澠水曰澠水出陰平西北
強山一曰強川按史傳由來爭戰

之地所說似皆在洮水白
不得僅目爲陰平西北熾磐聞而引還又遣其左衛

匹達等討彭利和于強川大破之利和單騎奔仇池通

鑑義熙十一年熾磐遣曇達等擊南羌彌姐康薄于赤

水降之以王孟保爲略陽太守鎮赤水元嘉四年氏王

楊玄遣將軍符白作圍秦梁州刺史出連輔政于赤水

城中糧盡民執輔政以降政至駱谷

駱當爲洛此
武都之洛谷逃還

秦以吳漢爲平西將軍鎮南疆

枹罕

元和志河州枹罕縣本漢舊縣

小積石山在縣西北七十里

舊唐志

廓州米川縣漢枹罕縣地貞觀五年置縣水經注廣大

阪在枹罕西北昔慕容吐谷渾自燕歷陰山西馳而創

居于此灘水又東逕枹罕縣故城南十三州志曰枹罕

縣在郡西二百十里灘水在城南門前東過灘水又東

北出峽北流注于河河水又逕左南城南十三州志曰

石城西一百四十里有左南城津亦取名

晉志張軌置晉興郡有左

前大河又東逕赤岸北卽河夾岸也秦州記曰枹罕有

河夾岸岸廣四十丈義熙中乞佛于此河上作飛橋橋
高五十丈三年乃就通鑑太寧二年涼州將辛晏據枹
罕不服張駿將討之從事劉慶諫曰辛晏凶狂安忍其
亡可必奈何以飢年大舉盛寒攻城乎駿乃止三年辛
晏以枹罕降駿復收河南之地晉書張重華傳麻秋進
攻枹罕晉昌太守郎坦以城大難守宜弃外城武成太
守張峻曰晉志張駿分武成等郡爲河州弃外城則動眾心寧戎校尉
張璩從之固守大城秋率眾八萬圍塹數重雲梯電車
地突百道皆通于內城中亦應之殺傷秋眾已數萬季
龍復遣其將劉渾率步騎二萬會之郎坦恨言之不從

教軍士李嘉潛與秋通引賊千餘人上城西北隅璩使
宋修張弘辛挹郭普拒之短兵接戰斬二百餘人賊乃
退璩戮李嘉以徇燒其攻具重華以謝艾爲使持節軍
師將軍率步騎三萬進軍臨河秋以三萬距之艾乘
輜車冠白帽鳴鼓而行秋望而怒曰艾年少書生冠服
如此輕我也命黑稍龍驤三千人馳擊之艾左右大擾
左戰帥李偉勸艾乘馬艾不從乃下車踞胡床指揮處
分賊以爲伏兵發懼不敢進張瑁從左南緣河截其後
秋軍乃退艾乘勝奔擊遂大破之

石季龍記麻秋又襲張重華將張瑁于河

陝敗之斬首三千餘級梟罕護軍李達率眾七千降于季龍

張祚傳張瓘時鎮枹罕

祚惡其強遣其將易揣張玲率步騎萬三千以襲之張掖人王鸞頗知神道言于祚曰軍出不復還涼國不利矣祚以鸞妖言沮眾斬之又遣張掖太守索孚代權鎮枹罕爲權所殺玲等濟河又爲權兵所破揣單騎奔走

權軍躡之祚眾震懼苻堅記張天錫率步騎三萬擊李

儼張玄靚傳隴西人李儼諫大姓彭姚自立于隴右奉中興年號百姓悅之攻克大夏武始

二郡天錫將掌握通鑑作常據誤又敗儼諸軍于葵谷儼懼請

救于堅王猛與楊安救枹罕及天錫將楊道戰于枹罕

東猛不利通鑑作猛大破之此應有誤天錫遂引師而歸儼猶憑城

未出猛乃白服乘輿從數十人請與相見儼開門延之

未及設備而將士續入遂虜儼而還

通鑑太和二年猛

詔救儼不令與涼州戰今當深壁高壘以聽後詔曠日持久恐二家俱弊非良算也若將軍退舍吾執儼而東將軍徙民西旋不亦可乎天錫謂諸將曰猛通鑑太元書如此吾本來伐叛不來與秦戰遂引兵歸

元年秦聞天錫殺閻負梁殊八月梁熙姚萇王統李辯

濟自清石津攻涼驍烈將軍梁濟于河會城降之

元和

州烏蘭縣前涼張軌收其縣人于涼州故武威縣別置祖厲縣周武帝置烏蘭關于此則河會城當在是胡三省注苟萇濟自石城津與梁熙會攻纏縮城拔之馬建

懼自楊非退屯清塞天錫又遣征東將軍掌據帥眾三

萬軍于洪池天錫自將餘眾五萬軍于金昌城廣武大

守辛章曰馬建出于行陣必不為國家用苟萇使姚萇

帥甲士三千爲前鋒庚寅馬建帥萬人迎降餘兵皆散
走苟萇及掌據戰于洪池據兵大敗馬死其屬董儒授
之以馬據曰吾三督諸軍再秉節鉞今卒困于此此吾
之死地也尙安之乎伏劍而死秦兵入清塞天錫遣司
兵趙充哲帥眾拒之秦兵與充哲戰于赤岸大破之俘
斬三萬八千級充哲死天錫出城自戰城內又叛天錫
與數千騎奔還姑臧苻丕記初王廣還自成都奔其兄
秦州刺史統及長安不守廣攻河州牧毛興于枹罕興
夜襲廣軍大敗之謀伐王統枹罕諸氐疲于兵革乃殺
興推衛爲安西將軍河州刺史枹罕諸氐以衛平年老

不可以成事業議廢之而憚其宗強連日不決氏有啖
青者謂諸將曰大事宜定東討姚萇不可猶豫一旦事
發反爲人害于是大享諸將青抽劍前曰今天下大亂
豺狼塞路吾曹今日休戚是同非賢明之主莫可濟艱
難也衛公老耄不足以成大事宜反初服以避賢路狄
道長苻登雖王室疏屬而志畧雄明請其立之以赴大
駕諸君若有不同者便下異議乃奮劍攘袂將斬貳己
者眾皆從之於是推登爲帥

通鑑義熙四年乞伏熾磐
攻彭奚念于枹罕爲奚念

所敗而還五年熾磐入見秦太原公懿于上邽彭奚念
乘虛伐之熾磐聞之怒不告懿而歸擊奚念破之遂圍
枹罕克之遣人告乾

歸之歸述還苑川

白石

舊唐志河州鳳林縣漢白石縣

寰宇記前涼張駿八年改白石爲永固縣貞觀

十一年置安鄉縣天寶元年改爲鳳林按晉志張軌置晉興郡有永固縣水經注河水又東

歷鳳林北山名也秦州記枹罕原北名鳳林川川中則

黃河東流也河水又東與澗水合水導源塞外羗中東

北流歷野虜中

野虜卽土谷澤

逕銷銅城西列城東又東北逕

榆林東又東北逕石門口山高險峻絕對岸若門疑卽

皋蘭山門也澗水又東北逕皋蘭山水經注澗水又東

白石川水注之又東逕白石縣故城南闕駟曰縣在狄

道西北二百八十五里澗水又東逕白石山北又東左

合罕开南溪水出罕开西晉書呂光詎光命呂纂討
段業散騎常侍郭磨據東苑以叛光馳使召纂磨遣軍

邀纂于白石纂大敗光西安太守石元良率步騎五千

赴難與纂共擊磨軍破之

按纂討張掖在姑臧西北其
迴師則自東南不知何以復

據西南之白石通
鑑不取疑之也

乞伏熾磐記遺鎮東曇達平東王松

壽率騎一萬東討破休官權小郎呂破胡于白石川虜

其男女萬餘口進據白石城休官降者萬餘人通鑑元

嘉六年河西王蒙遜伐秦秦王暮末留相國元基守枹

罕遷保定連南安太守翟承相等據罕开谷以應河西

暮末擊破之進至治城西安太守暮者幼眷據汧川

汧
當

研爲以叛暮末討之爲幼眷所敗還于定連蒙遜至枹罕

遣世子興國進攻定連暮末逆擊興國于治城擒之地

志建昌郡有治城縣按治城卽漢護羌都尉昔居臨羌所治以爲名水經注羌水逕護羌城東在鄯州湟水縣

東追擊蒙遜至譚郊宋書且渠蒙遜傳赫連定避拓跋

燾欲渡河西擊蒙遜率部曲至治城峽口渡河濟未半

爲吐谷渾慕瓚所邀見獲水經注河水自河闡縣白土城又東北流歷研川謂之研

川水北注于河謂之野亭口則幼眷所據者在此胡三省但知其非扶風之汧川而不據鄭注証之

鄯

元和志渭州鄯縣本漢永嘉南渡縣廢通典彰縣後漢置後魏

宣武復立地形志彰縣屬廣靈郡水經注新興川水出西南烏鼠山

與彰川合東北至彰縣南本屬故道侯尉治後漢縣之

河關

隋志澆河郡有河津縣按其地當在廊州廣威縣西界水經河水東過河關縣北注云河水又東北流入西平

郡界河水又東逕澆河故城北東北去西平二百二十

里又東北逕黃川城又東逕石城又北逕廣違城按此即廣

威城所由名隋志廣威廢入河津北又東逕邯川城南西羌傳有東西邯元和志廊州

米川縣前涼張天錫于此置邯川戍河水又東臨津溪水注之水自南山

北逕臨津城西而注河河水又東逕臨津城北白土城

南十三州志曰左南津西六十里有白土城爲緣河濟

渡處秦川記曰河峽崖旁有二窟一曰唐述窟高四十

丈西二里有時亮窟高百丈藏古書五箒

隋志龍支縣有唐述山

魏志郭淮傳正始九年羌遮塞等屯河關白土故城據

河距軍淮見形上流密于下渡兵據白土城擊大破之

夏侯淵傳別遣張郃等平河關渡河入小湟中河兩諸羌盡降

呂光載記南羌彭奚念

入攻白土都尉孫峙退奔興城

水經注關關曰允吾縣西四十里有小晉興城

光遣武賁呂纂強弩寶荀率步騎五千南討彭奚念戰

于盤夷大敗而歸

盤夷疑卽金城郡之安夷

光親討之遣纂及楊武

楊軌建忠沮渠羅仇等軍于左南奚念大懼于白土津

累石爲堤以水自固遣精兵一萬距守河津光遣將軍

王寶潛趣上津夜渡滄河光濟自石堤攻克枹罕奚念
單騎奔甘松又討乞伏乾歸光弟天水公延以枹罕之
眾攻臨洮武始河關皆克之禿髮儁檀記邯川人衛章
等謀殺孟愷愷爲邯川護軍南啓乞伏熾磐郭越止曰孟君寬
以惠下何罪而殺之吾寧違眾而死不負君以生乃密
告之愷誘章等飲酒殺四十餘人乞伏熾磐記討吐谷
渾樹洛干于澆河大敗之禿髮儁檀僞遊澆河襲徙西
平滄河諸羗三萬餘戶

漢陽郡

州郡志南安郡何志云魏分立按晉志漢置水經注漢

靈帝中平五年別爲南安郡沈志誤

有中陶新興二縣當是魏立地理通

釋云漢靈帝立天水郡又有新陽縣何志云魏立

又晉志略陽郡本名廣魏秦

始中更名

有臨渭縣蓋魏置蒲洪爲畧陽臨渭氏人州郡志亦云魏分立廣魏郡

按劉昭

注云初平四年分漢陽上、中、下三縣爲永陽郡魏志建安十九

年省安東永陽郡

安東不可考胡三省以爲永陽郡魏改爲廣魏郡

又張旣傳

注引三輔決錄注曰太祖定關中時漢興郡缺太祖以

問旣稱游楚才兼文武遂以爲漢興太守意廣魏郡當

是承漢興舊郡也

晉志又云晉復漢陽爲天水郡按三國志如諸葛亮傳鄧艾傳皆稱天水

疑魏時已改天水

冀

元和志秦州伏羗縣漢冀縣

說文驥字下云天水有驥縣

後魏以冀

爲當亭周爲黃瓜

地形志天水郡有當亭縣漢陽郡有黃瓜縣隋志後周廢冀城入黃瓜大

業初改黃瓜曰冀城新唐志武德三年更名黃瓜

水經注朱圜山在梧中聚有

石鼓不擊自鳴鳴則兵起渭水又東合冀水水出冀谷

北逕冀城而北流注于渭渭水又東出峽入新陽川

逕新陽城南

按此則魏分冀縣置新陽縣

魏志楊阜傳太祖軍還倉

卒爲備不周超率眾戎渠帥以擊隴上郡縣皆應之惟

冀城奉州郡固守超盡兼隴右之眾張魯又遣將楊昂

助之阜率國士大夫及宗族子弟勝兵者千餘人使從

弟岳于城上作偃月營與超接戰自正月至八月救兵

不至刺史太守卒遣人請和開城門迎超超入拘岳于

冀殺刺史太守

皇甫嵩列女傳曰趙昂妻異王氏女也建安中昂轉參軍事馬超攻冀異躬著

布襦佐昂守備悉脫所佩璽以賞戰士自蜀志姜維傳

冀城之難至于祁山昂出九奇異輒參焉注魏畧曰天水太守馬遵將維等隨雍州刺史郭淮按

行聞亮已到祁淮山隴東還上邽遵念所治冀縣界西

偏悉吏民樂亂亦隨淮去維謂遵曰明府當還冀遵懼

維等曰卿諸人回復信皆賊也各自行維亦無如遵何

而家在冀遂與上官子修等還冀冀中吏民見維等大

喜便令見亮未及遣迎冀中人會亮前鋒爲張卬費繇

等所破遂將維等卻縮入蜀諸軍攻冀得維母妻繫保

官晉書張寔傳焦松陳安逼上邽南陽王保遣使告急
以金城太守竇漪爲輕車將軍步騎二萬赴之軍次新
陽會愍帝崩問至大臨三日姚泓記天水冀縣石鼓鳴
聲聞數百里

望恆

一統志在秦州西北前志作望垣魏志董卓傳西拒韓

遂于望垣峽北

後漢書傳同爲望垣

阿陽

通典漢阿陽縣故城在秦州隴城縣西北

隋志開皇二年改昭陽曰

阿陽六年水經注黑水出黑城北西南出懸鏡峽又西
曰隴城

南入瓦亭水有潞水自西來會世謂之鹿角口又南逕阿陽縣故城東中平元年北地羌胡與邊章侵隴西右漢陽長史蓋勳屯阿陽以拒賊卽此城也

略陽

通典漢略陽道故城今在秦州隴城西北

地形志隴城縣有畧陽城

又元和志秦州清水縣後魏分畧陽置清水郡隋開皇

三年罷郡

隋志清水縣有分水嶺按前志之清水縣後漢蓋并畧陽

水經注略陽川

水出隴山香谷西西逕畧陽道故城北塋渠水出南山

北逕塋峽北入城自城北注川蓋隗囂所竭以灌畧陽

川水西得白楊泉又西得蒲谷水又西南得水洛口水

源東導隴山西逕水浴亭西南注畧陽川又西北流入

瓦亭水又清水道源東北隴山二原俱發西南出隴口

姚興記仇池公楊盛叛擾祁山遣建威趙琨率騎五千爲前鋒立節揚伯壽統步卒繼之前將軍姚恢左將軍姚文宗入自鶩陝鎮西秦州姚嵩入羊頭陝右衛胡翼度從陰密出與將輕騎五千自雍赴之與諸軍會于隴

逕清池谷又逕清水縣故城東又逕清水城又西與

秦水合魏志張郃傳諸葛亮出祁山遣郃督諸軍拒亮

將馬謖于街亭謖依阻南山不下據城郃絕其汲道擊

大破之郭淮傳亮遣馬謖至街亭高詳屯列柳城郃擊謖淮攻詳營皆破之實字記街泉亭俗名漢街

城在隴城縣東北六十里按劉昭注街泉故縣省此前漢街泉縣晉書苻堅記羗歛岐

叛堅堅遣王猛與隴西太守姜衡南安太守姜羗討歛

岐于畧陽猛攻破畧陽歛岐奔白馬苻登記與真將姚崇爭麥于清水累爲崇所敗姚萇記苻登使楊定率隴上諸軍爲其後繼萇遣將軍王破虜畧地秦州楊定及破虜戰于清水之格奴坂大敗之姚興記勃勃寇隴右攻白崖堡克之遂趣清水畧陽太守姚壽都委守奔秦州勃勃收其眾而歸乞伏乾歸記征西羌彭利髮于枹罕師次奴葵谷奔其部眾南奔乾歸遣其將公府追及于清水斬之通鑑義熙七年河南王乾歸攻秦畧陽太守姚龍于柏柏當爲伯陽堡克之進攻南平太守王憬于水洛城又克之徙民三千戶于譚郊載記誤爲永洛九域志云慶歷二年以渭

州隴竿城置德順軍西南一百里有水洛城

勇士

按其地當在蘭州五泉縣界水經注苑川水出勇士縣

之子城南山東北流歷此城川世謂之子城川隋志金城郡金

城縣舊日子城寰宇記苑川城在郡城西苑川水地為龍馬之沃土故馬援

請與田戶中分以自給乞伏詔乾歸奔還苑川鮮卑大悅堅有眾五千自龍馬苑降乾

歸又北逕牧師苑有東西二苑城相去七十里西城即

乞佛所都又北入于河有水出縣西世謂之二十八渡

水東北流溪澗縈曲途出其中又有赤暕川水南出赤

蒿谷北流逕赤暕川又北逕牛官川又北逕義城西北

北流歷三城川而注河晉書乞伏記述延討鮮卑莫侯于苑川大破之降其眾二萬餘落因居苑川司繁降于苻堅堅以司繁叔父吐雷爲勇士護軍撫其部眾鮮卑勃寒侵斥隴右堅以司繁爲鎮西將軍討之勃寒懼而請降司繁遂鎮勇士川太元十年國仁自稱大將軍領秦河二州牧置武成苑川等十二郡築勇士城以居之後乾歸遷金城熾磐通鑑太元十三年苑川王國仁與攻克枹罕遂都枹罕胡三省曰渴渾川沒奔于金熙戰于渴渾川大破之當在勇士縣北

成紀

通典秦州成紀縣漢舊縣

隋志舊廢後周置有龍馬城

水經注瓦亭

水又南左會方城川又南逕成紀縣歷長離川謂之長離水右與成紀水合水導源西北當亭川東南入瓦亭水魏志夏侯淵傳韓遂在顯親淵欲襲取之遂走淵追至略陽城去遂二十餘里諸將欲攻之或言當攻興國氏淵以爲遂兵精興國城固

興國當卽武都之武興城

攻不可卒拔

不如擊長離諸羌長離羌多在遂軍必歸救其家若羌獨守則孤救長離則官兵得與野戰可必虜也乃輕騎到長離攻燒羌屯斬獲甚眾欲結營作塹乃與戰淵曰我戰關千里復作營塹則士罷弊賊雖眾易與耳乃鼓之大破遂軍晉書姚興記鮮卑越質諸歸率戶二萬叛

乞伏乾歸降于興興處之成紀通鑑隆安元年涼王光
以西秦王乾歸數反覆舉兵伐之乾歸羣下請東奔成
紀以避之乾歸曰軍之勝敗在于巧拙不在寡眾光兵
雖眾而無法其弟延勇而無謀不足憚也且其精兵盡
在延所延敗光自走矣光軍于長最乾歸使人給延云
乾歸眾潰奔成紀延欲引輕騎追之司馬耿稚諫曰乾
歸勇略過人安肯望風自潰前破王廣楊定皆羸師誘
之今告者視高色動殆必有姦宜整陳而前使步騎相
屬俟諸軍畢集然後擊之延不能從進與乾歸遇戰死
稚與將軍姜顯收散卒還屯枹罕

隴

舊唐志秦州隴城縣漢隴縣隋加城字貞觀三年省長

川縣併入

按地形志已有城字隋志隴城舊曰畧陽新唐志又云秦嶺縣貞觀中省入清水按亦當

省入

隴城水經注秦水出東北大隴山秦谷而歷秦川川有

故秦亭西逕降隴縣故城南

地形志晉罷隴縣後復置不著降隴之名

又西

南歷隴川逕六槃口過清水城西南注清水又西南得

綿諸水口又東南歷綿諸道故城北東南注渭渭水又

東南合涇谷水又東北歷董亭下楊難當使兄子保宗

鎮董亭也

按亦爲姜維出師處

又東伯陽谷水出刑馬山之伯陽

谷北注渭水渭水又東歷大利又東南流苗谷水北逕

苗谷屈東逕伯陽城南謂之伯陽川晉書南陽王保傳
模之敗也都尉陳安歸于保保命統精勇千餘人以討
羌龍遇甚厚保將張春等疾之譖安有異志請除之保
不許春等輒伏刺客以刺安安被創馳還隴城遣使詣
保貢獻不絕

按安之始末如此其降劉曜本非其心

劉曜記曜親圍安于

隴城安頻出挑戰累擊破之斬獲八千餘級安留楊伯
支姜冲兒等守隴城帥騎數百突圍而出楊伯支斬姜
冲兒以隴城降

通鑑太元十四年秦主登之東也後秦主苻使姚碩置秦州守宰以從弟常成

隴城邢奴成冀城姚詳成畧陽楊定攻隴

易克之斬常執邢奴詳奔畧陽奔陰密

乞伏乾歸記

苻登將没奔于遣使結好以二子爲質請討鮮卑大兜

國乾歸乃與沒弈干攻大兜于安陽城

隋志後魏置安陽郡并縣開皇

十八年改安陽曰長川卽此

大兜退固鳴蟬堡乾歸攻陷之

隆安四年姚

興將姚碩德率眾五萬伐之入自南安峽乾歸次于隴

西以距碩德興潛師繼發乾歸聞興將至謂諸將曰吾

自開建以來屢催勅敵乘機藉算無遺策今姚興盡中

國之師軍勢甚盛山川阻狹無縱騎之地宜引師平山

同其殆而擊之存亡之機在師一舉卿等勉之遣其衛

軍慕容允率中軍二萬遷于柏陽鎮軍羅敦將外軍四

萬遷于侯辰谷乾歸自率輕騎數千侯興軍勢俄而大

風昏霧遂與中軍相失爲興追騎所逼入于外軍旦而

交戰爲典所敗乾歸遁還苑川

又

熾磐道曇達王松壽

等率騎一萬伐姚艾于上邽曇達進據蒲水

蓋卽水經注略陽縣

之蒲谷水

艾拒戰大敗之曇達進屯大利破黃石大羗二戍

獬道

通典渭州隴西縣漢獬道地

隋志隴西縣舊曰內陶內陶卽中陶也晉志南安郡

領豬獬道新興中陶三縣沈魏志俱訛獬爲桓

水經注渭水東南逕獬道縣故

城西赤亭水出郡之東山赤谷

姚弋仲南安赤亭羌人

西流逕城

北南入渭水新興川又東北逕新興縣北又東北與南

川水合注于渭水渭水又東逕武城縣西武城川水入

焉

按乞伏國仁曾置武城郡南北秦俱無武城縣

蜀志建興八年魏延西入羌

中魏後將軍費瑤雍州刺史郭淮與延戰于陽溪大破

淮等據吳壹贊注云壹與魏延入南安界破魏將費瑤

則陽谿在南安界也姜維傳維率數萬人出石營經董

亭圍南安魏雍州刺史陳泰解圍至洛門洛當為落維糧盡

退還鄧艾傳解雍州刺史王經圍于狄道儀者多以為維力已竭未能更出艾曰洮西之敗非小失也破

軍殺將倉廉空虛彼有乘勝之勢又狄道隴西南安祁

山各當有守彼專為一我分為四從南安隴西因食羌

穀若越祁山麥熟千頃為之縣餽賊有黠數其來必矣

維果向祁山聞艾已有備乃回從董亭趣南安艾據武

城山以相持維與艾爭險不克晉書劉曜記太寧元年陳安攻曜征西

劉貢于安南休屠王石武自桑城將攻上邽以解南安

之圍安聞之懼馳歸上邽遇于瓜田水經注黃瓜水發源黃瓜西谷東流

逕黃瓜

武以眾寡不敵奔保張春故壘

通鑑太興二年張春奉南陽王

保之南安祁山卽其壘

安引軍追武曰叛逆胡奴要密生縛此奴

然後斬劉貢武閉壘距之貢改安後軍俘斬萬餘安馳

還赴救貢逆擊敗之俄而武騎大至安眾夫潰收騎八

千奔于隴城張寔傳遣太府司馬

璞爲太府司馬謝艾爲太府長史皆謂寔

與重華之府言太府者別于他將府

韓璞督五將東赴國難璞次南安諸

羌斷軍路相持百餘日糧竭矢盡璞殺駕牛饗軍泣謂

眾曰汝曹父母乎曰念念妻子乎曰念念欲生還乎曰欲

從我令乎曰諾乃鼓譟進戰會張閬率金城軍繼至夾

擊大敗之

通鑑太元十一年秦安南王登既克南安夷夏歸之者三萬餘戶遂進攻姚碩德于秦州

後秦王苻萇自往救之登與萇戰于胡奴阜大破之斬首二萬餘級將軍啖青射萇中之乞伏國仁

記南安秘宜及諸羌虜來擊國仁四面而至國仁謂諸

將曰先人有奪人之心不可坐待其至於是勒眾五千

襲其不意大敗之秘宜奔還南安通鑑元嘉七年秦王

其臣王愷烏訥闕請迎于魏魏人許以平涼安定封之

慕末乃焚城邑毀寶器帥戶萬五千東如上邽至高

谷給事黃門侍郎郭恒謀劫沮渠與國以叛事覺慕末

殺之夏主閻慕末將至發兵拒之慕末留南安其故地

皆入于吐谷渾南安諸羌萬餘人叛秦推安南將軍督

八部諸軍事廣甯太守焦遺為主遺不從乃劫遺族于

長城護軍亮為主帥眾攻南安慕末請教于氏王揚

當難當遣將軍苻獻帥騎三千救之合擊諸羌諸羌

亮奔還廣甯慕末進軍攻之以手令與焦遺使取亮十

二月遺斬亮首出降遺號鎮國將軍八年夏主遣其

叔父北平公韋代帥眾一萬攻南安城中大飢人相食

秦王暮末窮蹙輿輶出降按宋書氏胡傳暮末作茂萇

平襄

通典漢平襄縣故城在今秦州伏羌縣南

寰宇記秦州大潭縣南一

百二十里水經注溫谷水導平襄縣南山溫溪東北流逕平

襄縣故城南東南歷三堆南又東南歷黃槐川春夏水

盛則通川注渭通鑑太甯元年趙王曜圍陳安于隴城

別遣兵圍上邽右軍將軍劉平攻平襄克之

載記安突圍出欲引

上邽平襄之眾還解隴城圍安既出知上邽被圍平襄已敗乃南走陝中

乞伏記國仁討鮮

卑越質叱黎于平襄大敗之獲其子詰歸

乾歸

隴西太

守越質詰歸以平襄叛自稱建國將軍乾歸擊敗之詰

歸東奔隴山既而擁眾來降

顯親

通典漢顯親縣故城

晉志作顯新

在今秦州成紀縣東

舊唐志成

紀縣開元末移治顯親川

水經注瓦亭水又西南出顯峽石宕水注

之瓦亭水又西南逕顯親縣故城東南又東南合安夷

川口魏志閻溫傳馬超圍州所治冀城甚急州遣溫密

出告急于夏侯淵賊圍數重溫夜從水中潛出明日賊

見其迹遣人追遮之于顯親界得溫執還通鑑太元十

七年休官權干城成據顯親自稱秦州牧十八年爲秦

所逼請降于金城王乾歸

姚興記姚碩德西討干成干成降

乾歸以爲

東秦州刺史休官大都統顯親公熾誓記顯親休官權

小城呂奴迦等叛保白阮曇達進攻白阮斬小城奴迦
首級四千七百隴右休官悉降

上邽

舊唐志秦州上邽縣漢縣

地形志避諱爲上封元和志司馬懿壘俗名上募城在縣

東二里諸葛壘俗名下募城寰宇記廢上邽縣今爲清水縣理

水經注渭水東南出橋

亭西又南得藉水口東歷當亭川卽當亭縣治

地形志天水郡

有當亭縣藉水又東南流與竹嶺水合水出南山竹嶺竹嶺

東得亂石溪水次東得木門谷水

魏志張郃傳亮遣保祁山郃進至木門與

亮軍交戰飛矢中郃右膝胡三省注木門在今天水郡

籍水又東黃瓜水注之水發源黃瓜西谷東流逕黃瓜

縣北

地形志漢陽郡有黃瓜縣

蜀志姜維傳十九年與鎮西大將軍

胡濟期會上邽濟失誓不至為鄧艾所破于段谷星散

流離死者甚眾

元和志段谷水源出縣東南山下

晉書司馬孚傳明帝

時以關中連賊寇穀帛不足遣冀州農丁五千屯于上

邽秋冬習戰陣春夏修田桑張寔傳南陽王保為陳安

所敗叛氏羌皆應之保窘迫遂去上邽遷祁山寔遣將

韓璞步騎五千赴難陳安退保綿諸保歸上邽

劉曜記曜被擒

其太子熙及劉亂等議西保秦州尚書胡勳曰今雖喪

主國尚全完將士情一未有離敗可共并力拒險走未

晚也亂怒其沮眾斬之遂率百官奔于上邽劉厚劉策

皆捐璽奔之關中擾亂亂及劉遵率眾數萬自上邽欠

龍乘

于仲橋戰于義渠為季龍所敗死者五千餘人

并將

勝追戰枕尸千里上邽潰執其太子熙南陽王

相王公以下三千餘人皆殺之符堅記符雙據上邽符柳據符庚據陝城符武據安定並叛于堅雙武乘勝至干柳眉武衛王鑿等擊敗之斬獲萬五千人武奔安定隨雙奔上邽鑿等攻上邽克之斬雙武乞伏乾歸記天水姜乳龔據上邽遣乞伏益州討之邊芮王松壽言于乾歸曰益州以懿弟之親屢有戰功徃于累勝常有驕色若其遇寇必將易之未易專任乾歸曰益州驍勇善御眾諸將莫及但恐其專擅以重佐輔之當無慮也以北平韋虔爲長史散騎常侍務和爲司馬至太寒嶺益州恃勝自矜不爲部陣命將士解甲游畋縱飲虔等諫曰賊已垂逼柰何解自甲寬益州曰乳以烏合之眾聞吾至理應遠竄今與吾決戰斯成擒也吾自揣

之有方卿等不足慮也。虜率眾拒戰益州果敗。

胡三省曰大寒

嶺在上邽西按水經注大學谷水南出旱溪同注黃瓜水大寒節大旱也

通鑑義熙十二年

氏王楊盛攻秦祁山拔之進逼秦州秦後將軍姚平救

之盛引兵退平與上邽守將姚嵩追之夏王勃勃帥騎

四萬襲上邽未至嵩與盛戰于竹嶺敗死勃勃攻上邽

二旬克之殺秦州刺史姚軍都

勃勃載記作姚平祁

及將士五千

餘人因毀其城元嘉四年夏主奔上邽平原公定猶相

拒平長安魏主命宗正蛾青太僕丘推帥騎五千略地

關右定聞統萬已破遂奔上邽清堆攻夏貳城拔之魏

主詔斤等班師斤上言赫連昌亡保上邽鳩合燼未有

蟠據之資今因其危滅之爲易請益鎧馬平昌而還魏
主不許斤固請乃許之給斤兵萬人馬三千匹并留娥
青丘堆使其擊夏五年魏平北將軍尉眷攻夏主于上
邽夏主退屯平涼七年夏主定收餘眾驅民五萬西保
上邽

西

通典漢西縣

刊本誤
衍城字

城在今上邽縣一名始昌水經注

西漢水又西南合楊廉川水水出西谷東南流逕西縣
故城北建武八年隗囂將妻子奔西城從楊廣廣死吳
漢岑彭等擁西谷水以縑纒盛土爲堤灌城城水沒丈

餘水穿壅不行地中數丈涌出故城不壞但廣廉字相

狀後人因以人名名之故習譌爲楊廉縣焉

地形志有楊廉縣按

此說太迂遠

又東南流右會茅川水水出西南戎溪東北流

逕戎丘城南王捷列頸處也西漢水又西南逕始昌峽

地道記天水始昌縣故西城

晉志有始昌無西縣故知後改

西漢水西

南逕宕備戍南漢水又西建安川水入焉又東與蘭坑

水會東北逕蘭坑城西

郭淮傳諸葛亮出斜谷并田于蘭坑

建安城南其

地故西縣之厯城也楊定自隴右徙至厯城卽此處去

仇池百二十里後改爲建安魏志楊阜傳超殺刺史太

守阜內有報超之志以喪妻求葬假阜外兄姜敘屯厯

城見敘母及敘說前在冀州時事獻歎悲甚曰守城不能完君亡不能死何面目視息于天天下超強而無義多變易圖也敘母慨然勅從阜計定外與鄉人姜隱趙昂尹奉等并結安定梁寬南安趙衢等約誓旣明與敘起兵于鹵城超自將出衢寬等閉冀城門討超妻子超襲厯城得敘母殺之阜與超戰身被五創宗族兄弟死者七人超遂南奔張魯蜀志丞相亮攻祁山拔西縣千餘家還于漢中宋書氏胡傳楊定將家奔隴右按定爲苻堅將爲慕容冲尚書令高高所所獲脫歸苻登又從登拒姚萇徙治厯城稱藩于晉求割天水之西縣武都之上祿爲仇池郡

武都郡

北史氏傳漢建安中有楊騰者爲部落大帥勇健多計
畧始徙居仇池郡方百頃四面斗絕高七里餘蟠道三
十六回其上豐水泉煮土成鹽騰後有名千萬者魏拜
爲百頃氏王

水經注子駒
乃徙居仇池

華陽志魏天水楊阜治此郡

阜以濱蜀境移其民徙于沔雍乃天水畧陽魏將夏侯
淵張郃徐晃征伐常由此郡而蜀丞相亮及魏延姜維
等多從此出秦川遂荒無晉民

按晉志無上祿羌道二
縣常志則多泉街平樂

修武階陵四縣
而無羌道縣

下辨

通典成州同谷縣漢下辨縣

元和志魏宣武帝于此置廣業郡并白石縣恭帝改

白石爲同谷隋志同谷舊曰白石地形志修武郡有下辨縣卻無白石縣未詳寰宇記今州理卽揚難當所築

建安

華陽志下辨縣郡治一曰武街

前志下辨無道字隸屬續武都丞呂

國十二人題名有下辨道長廣漢任詩則本有道字以下籍係下辨者五人又不書道字此例在漢時已不一

水經注漢水于槃頭郡南與濁水合水出濁城北東逕

武街城南故下辨縣治也今廣業郡治濁水又東逕白

石縣南濁水卽白水之異名也涇陽水北出涇谷南逕

白石縣東而南入濁水魏志夏侯淵傳二十一年擊武

都氏羌下辨收氏穀十萬餘斛通鑑建安二十二年先

主遣張飛馬超吳蘭等屯下辨曹操遣都護將軍曹洪

拒之洪將擊吳蘭張飛屯固山聲言欲斷軍後眾議狐疑騎都尉曹休曰賊實斷道者當伏兵潛行今乃先張聲勢此其不能明矣宜及其未集促擊蘭蘭破飛自走

矣洪從之進擊破蘭斬之張飛馬超走

蜀志周羣傳先主欲爭漢中問

羣羣曰當得其地不得其民也若出偏軍必不利宜深戒之既遣將軍吳蘭雷銅等入武都皆沒不還如羣言

宋書氏胡傳楊難敵襲位與弟堅頭分部曲難敵號左

賢王屯下辨堅頭號右賢王屯河池元帝太興四年劉

曜伐難敵與堅頭俱奔晉壽臣于李雄曜退復還河池

華陽志難敵厚賂雄兄子晉壽守將雅雅遣難敵兄弟還武都遂即叛雅攻走雄陰平太守羅演演雅舅也雅忿恚與兄瑤白雄求征之雄遣瑤以侍中領中軍統雅由白水道遣壽及雅弟苻由陰平入二道討難敵難敵

先拒壽琿不得進時難敵妻死葬于陰平瑤穉徑元嘉
至下辨八武街城以深八無繼盡爲氏使所破殺

十九年太祖發荆雍二州兵討楊難當受劉道真節度

道真到武興卽興州攻僞建忠將軍苻隆尅之安西參軍

韋俊建武將軍姜道盛別向下辨劉道真傳方明至武興率積弩將軍劉康

祖等進次潭如去舉蘭數里難當遣其建節將軍苻弘
祖啖充等固守皋蘭鎮北將軍苻德義于外爲游軍子

撫軍大將和重兵繼其後方明進擊難當世子和據修
大破之于濁水斬弘祖并三千餘級

城華陽志有修武縣地形志修武郡方明又遣軍攻和
有廣長縣隋志仁壽初改名修城

大破之道真傳難當遣建忠將軍楊林振威將軍姚憲
領二千騎方明又率諸將攻之和敗走追至赤

亭難當席捲奔叛方明遣康祖康安西參軍魯尙期追
祖直趣百頃僞丞相楊萬壽等降

難當出寒峽水經注建安水又東北逕塞峽卽是峽也
按杜甫發秦州至同如有寒峽詩正作寒

峽生禽楊保熾楊虎頭等

通鑑永和五年趙故東高高力因眾怨萬餘人誦成涼州

高力督梁犢因眾怨謀作亂東歸帥眾攻拔下辨安西將軍劉蜜爲犢所敗

武都道

舊唐志武州將利縣漢置武都郡并縣後魏改爲石門

地形志石門

後周改爲將利

寰宇記郡國志云武都沮水之西有角弩如卽蜀將

姜維勦五部氏羌之所按宋書蕭思話傳楊難當子和退遽大桃龍驤將軍楊平興等直入角弩攻之是也

新唐志景福元年更名階州治皋蘭鎮州又領建威將

軍縣貞觀元年省入將利

隋志後魏白水縣後周改爲建威縣又西魏有孔堤郡及

縣并廢入地形志武

都有白水孔堤二縣水經注漢水又西建安川水入焉

其水導源建威西北山白石戍東南東逕建威城南又

東與蘭坑水會

魏志郭淮傳諸葛亮出斜如並田于蘭坑

蜀志諸葛亮傳亮

遣陳式攻武都陰平魏雍州刺史郭淮率眾欲攻式亮
自出至建威淮退還姜維傳魏雍州刺史王經退保狄
道城維圍之魏征西將軍陳泰進兵解圍維卻住鍾題
鄧艾傳作鍾提按
鍾提卽孔提也 景耀元年于建威立圍守六年遣右
車騎廖化詣沓中爲維援比至陰平聞魏將諸葛緒向
建威故住待之月餘維爲鄧艾所摧遂住陰平北史支
豹子傳宋遣楊文德楊頭脫一虎字等率氏羌圍武都豹子
分兵救之詔高平鎮將苟莫干率突騎二千赴之

上祿

通典成州上祿縣漢舊縣所理處名洛谷有仇池山

地形

志南秦州治洛谷城北史又長道縣漢上祿縣地有祁

太武詔楊保宗鎮洛谷

山山上有城元和志祁山在縣東十里寰宇記石堡城在縣南十八里水經注蘭舉

水出西北五交谷東南歷祁山軍入漢水雞水南出雞

谷北逕水南縣西北地形志南秦州天水郡治水南流縣隋志開皇初水南省入長道

注于漢祁山在嶓冢之西七十許里漢水逕其南城

南三百里有丞相亮故壘漢水又西逕南岍北中上下有

二城相對古諺云南岍北岍萬有餘家漢水又西逕蘭

蒼城南地形志漢陽郡有蘭有縣隋志後周郡廢入長道縣又南入嘉陵道而爲

嘉陵水世俗名之爲階陵水華陽志有武都郡有嘉陵縣地形志仇池郡有階陵

縣隋志後周廢入上祿

漢水東逕瞿城西高二十餘里羊腸蟠道

三十六迴開山圖謂之仇夷

魏志徐晃討攻橫仇夷諸山氏

上有平田

百頃煮土成鹽因以百頃爲號漢水又東台洛谷水水北發洛谷南逕威武南又東南逕上祿縣故城西又東南逕濁水城南通鑑建安十八年楊阜與姜敘進兵入鹵城趙昂尹奉據祁山以討馬超超兵敗南奔張魯十九年超從求張魯求兵北取涼州魯遣超還圍祁山姜敘告急于夏侯淵諸將議欲須操節度淵曰公在鄰反覆四千里比報敘等必敗非救急也遂行使張督步騎五千爲前軍超敗走蜀志諸葛亮傳六年亮身率諸

軍攻祁山九年復出祁山以木牛運

漢晉春秋曰亮圖

能比能等至故北地石城以應亮于是曹真有疾司馬
宣王自荊州入朝魏明帝曰西方事重非君莫可付者
乃使西屯長安督張郃費繹戴陵郭淮等宣王使繹陵
留精兵四千守上邽餘眾悉出西救祁山郃欲分兵駐
雍郃宣王曰料前軍能獨當之者將軍之言是也若不
能當而分爲前後此楚三軍所以爲黔市禽也遂進亮
分兵留攻自逆宣王于上邽郭淮費繹等徵亮亮破之
因大芟刈其麥與宣王遇于上邽之東歛兵依險軍不
得交亮引而還宣王尋亮至于鹵城張郃曰彼遠來逆
我我請戰不得謂我利在不戰欲以長計制之也且祁
山知大軍已在近人情自固可止屯于此分爲奇兵示
出其後不宜進前而不敢偏坐失民望也宣王不從既
至又登山據營不肯戰賈詡魏平數請戰因曰公畏蜀
如虎奈天下笑何宣王病之諸將咸請戰五月使張郃
攻無當監何平于南園中自寨中道向亮亮使魏延高
翔吳班赴拒大破之獲甲首三千級玄鎧五千領角弩
二千一百張宣王還保營晉書宣帝紀亮圍將軍賈嗣
魏平于祁山帝進次漢陽與亮相遇帝列陣待之兵才

按而亮退追至祁亮屯鹵城據南北二山斷水爲魏志
重圍帝攻拔其圍亮宵遁按晉紀所言非實錄也魏志
陳泰傳進兵圍蜀將勾安等于麴山姜維來救出自牛

頭山

地形志階陵縣有牛頭山

與泰相對泰曰兵法貴在不戰而屈

人今絕牛頭維無反道則我之禽也勅諸軍堅壘勿與
戰遣使白郭淮欲自南渡白水循水而東使淮趣牛頭
截其還路可并取維淮善其策進率諸軍之洮水維懼
遁走晉書張軌傳南陽王保爲陳安所叛保窘迫去上
邽遷祁山劉曜記曜親征氏羌仇池楊難敵率眾來拒
前鋒擊敗之難敵退保仇池仇池諸氏多降于曜苻堅
記仇池氏楊世死子纂代立受天子爵命而絕于堅世

弟統驍武得眾起兵武都與纂分爭堅遣其將苻雅楊安與益州刺史王統率步騎七萬取仇池雅等次于鷲峽纂率眾五萬拒雅晉梁州刺史楊亮遣督護郭寶率騎千餘救之戰于陝中爲雅等所敗纂收眾奔還雅進攻仇池楊統帥武都之眾降于雅纂將楊他請爲內應纂懼面縛出降加楊安都督鎮仇池宋書氏胡傳仇池平以輔國司馬胡崇之爲龍驤將軍秦州刺史守仇池索虜遣安西吐奚弼平北將軍拓跋齊等二萬人邀崇之崇之至濁水去仇池八十里遇齊等戰敗沒餘眾奔氐漢中北史皮豹子傳諸氏復推楊文德爲主以圍仇

池古弼討之時豹子次下辨聞圍解欲還弼使謂豹子曰賊恥其負敗必求報復不如陳兵以待之宋復遣楊文德姜道盛寇濁水別遣將青陽顯伯守斧山以拒豹子濁水城兵射殺道盛豹子至斧山斬顯伯悉俘其眾故道

一統志故道故城在漢中府鳳縣西北

隋志梁泉舊曰故道地形志南

岐州置固道郡又黃花縣有黃花川爲名

元和志武德元年析置黃花縣寶應元年

省新唐志作寶應

水經注濁水東南兩當水注之水出陳倉縣

之大散嶺西南流入故道川謂之故道水西南逕故道城東魏征仇城築以置戍北川水出北洛樵山南南流

逕唐倉城下入故道水

寰宇記梁泉縣有唐倉柵

故道水又西南歷

黃香交台廣香川水故道水又西南入秦岡山尙婆水

注之

元和志川中有伎兒鳥音如簫管春來則種禾秋去則種麥以爲農候

歷兩當縣之

尙婆城南魏故道郡治也

地形志脫郡所屬縣

魏志張郃傳太祖

征張魯先遣郃督諸軍討興和氏王寶茂太祖從散關

入漢中北史氏傳恭帝末武興氏反圍和州鳳州固道

氏

此周書訛爲固查氏魏天生魏大王

亦聚眾響應大將軍豆

盧瑩等討之

河池

通典鳳州河池縣一名仇池漢舊縣

元和志仇池山在成都界去縣稍遠

今縣所處謂之河池川故取以爲名又武州盤堤縣漢

隋志後魏曰廣化仁壽初改名河池

河池縣地隋志西魏置南五部縣後改名盤堤後周廢葭蘆縣入焉按地形志武階郡南五部縣太

和四年改又覆津縣後魏置武階郡仍置覆津縣寰宇記福

津縣本河池縣地

天福元年改爲福字

水經注濁水又東南與仇

鳩水合水發鳩溪南逕仇池縣故城西濁水又東南與

河池水合水出河池北如南逕河池戍東又羗水逕武

街城西南又東南逕葭蘆城西魏志建安二年公自陳

倉出散關至河池氏王寶茂眾萬餘人恃其險不服公

攻屠之宋書氏胡傳楊文德旣受朝命進戍葭蘆城元和

志盤堤縣城魏鄧艾與姜維相持于此築城置葭蘆戍後于此置縣爲索虜所敗奔于漢

中二十七年又遣文德伐啖隄氏不剋

南齊書高紀作談提城

梁

州刺史劉秀之執道荊州使文德從祖兄頭戍茄蘆北

史皮豹子傳太和元年宋葭蘆戍主楊文度遣弟鼠据

仇池詔皮懷喜

氏傳作皮歡喜

討鼠鼠弃城南走進次濁水遂

軍于覆津文度將强大黑固守津道懷嘉部分將士擊

大黑走之追奔攻拔葭蘆城斬文度傳首京師

沮

通典興州順政縣漢沮縣地後魏置畧陽縣沔水發源

于此

隋志順政舊曰畧陽按地形志無之寰宇記武興山在縣北一百里嘉陵江在縣南一里

元和

志長舉縣本漢沮縣地後魏分置屬槃頭郡

槃頭故城在縣南三

里青泥嶺在縣西北五十三里懸崖萬仞上多雲雨行者于此屢逢泥淖故號爲青泥嶺又鳴水縣

本沮縣地後魏宣武帝于此置落叢郡因落叢山爲名

隋志落叢縣開皇六年縣改爲府北入年改曰鳴水元和志但言置鳴水縣非水經注故道水

南入東益州隋志後魏置東益州西魏改爲興州之廣業郡界與沮水枝

津合謂之兩當溪西南注于濁水濁水南逕槃頭郡東

而南合鳳溪水又南注漢水漢水又東逕武興城南元和

志今興州城又西南逕關城北又西南逕通如漢水又卽古武興城

西逕石亭戍又泉街水出河池縣東南流入沮縣會于

沔沔水又東南逕沮水戍而東南流漢曰沮口蜀志姜

維傳注蜀記曰蔣舒爲武興督在事無稱蜀命人代之

因留舒助漢中守舒恨故開城出降

按傳僉歿死蔣舒開陽安關城降元

和志誤以爲舒降魏卽在武興城

苻堅記晉梁州刺史楊亮與堅將楊

安戰敗沮水諸戍皆委城奔潰宋書胡氏傳虜破茄蘆

文度見殺以弟文弘襲封武都王退治武興北史文弘

小名鼠鼠子集始嗣後仇池鎮將楊靈珍襲破武興集

始遂入齊景明初來降還授爵位歸守武興死子紹先

立叔集義見梁益既定恐武興不得久爲外藩遂扇動

諸氏推紹先僭稱大號安西將軍邢巒遣建武將軍傅

豎眼攻武興剋之執紹先滅其國以爲武興鎮

羌道

元和志武州將利縣本漢羌道縣地

地形志武都郡石門縣有羌道城

又按唐之宕州疊州應皆羌道縣地水經注羌水出羌

中參狼谷彼俗謂之天池白水地理志出隴西羌道東

南流逕宕昌城東西北去天池五百餘里羌水又東南

逕宕婆川城東而東南注

元和志湫池在芳州丹嶺縣西八十里通彌山周迴百餘

里蓋古之天池大澤白水之源出此宕昌故城今爲交和戍在宕州懷道縣縣東五十二里白水一名墊江水在疊州西六十里水經注強臺山南卽墊江源山東則洮水源蜀志姜維傳于石門立

圍守魏志鄧艾傳艾遣金城太守楊欣等詣甘松追躡

姜維于彊川口大戰維敗走

隋志宕州懷道縣後周置甘松郡元和志甘松府在

芳州常芬縣寰宇記後周武成元年西逐諸羌始統有其地乃于三交口築城置甘松防又爲常芬縣立恒香

後漢書疏證卷二十一

三

郡按水經注故道水又西南歷廣香交合廣香川水恆
香郡蓋卽廣香交避隋諱以廣爲恆也恆香廢入常芬
新唐志貞觀二年置恆香縣備治恆香成晉書張駿傳因長安亂復故河南

地于至于狄道置武衛石門侯和濕川甘松五屯護軍

又乞伏國仁置濕川北周書宕昌羌傳有梁勒者北史作勳

甘松郡皆在黃河南世爲酋帥得羌豪心乃自稱王其界自仇池以西東

西千里帶水一作席水以南南北八百里地多山阜

後漢書疏證卷二十一五終